

## RENDA DE INTEGRACIÓN SOCIAL DE GALICIA

**Normativa:** [Lei 10/2013, do 27 de novembro, de inclusión social de Galicia.](#)

**Definición:** a renda de inclusión social de Galicia (RISGA) é unha prestación pública destinada a garantir recursos económicos de subsistencia a quen careza deles, así como a acadar progresivamente a súa autonomía e integración social e laboral, mediante o dereito e o deber a participar en procesos personalizados de inserción con apoio técnico e financeiro do Sistema galego de servizos sociais e do Sistema público de emprego de Galicia.

A percepción da RISGA é un dereito subxectivo de acordo coas condicións, requisitos e obrigas regulados na lei.

En canto prestación económica, ten carácter alimenticio, persoal e non transmisíbel, e non poderá ser obxecto de embargo ou retención nin darse en garantía de obrigas.

### **Compatibilidades:**

. Será subsidiaria e incompatible coas PNCs ou con calquera outra prestación ou pensión de contía igual ou superior á das ditas pensións.

. Tampouco poderán acceder á RISGA aquelas persoas que teñan a idade mínima para poderen solicitar unha PNC de xubilación.

. Calquera outro ingreso, así como as pensións e prestacións de importe inferior ao da PNC percibidas pola persoa solicitante da renda de inclusión social de Galicia, non impedirán o acceso a ela, pero descontaranse do seu importe (excepcións:)

- Os ingresos, pensións ou prestacións percibidas por outras persoas integrantes da unidade de convivencia distintas da titular serán compatibles e deducibles do importe da



renda nos termos sinalados sobre o cómputo de ingresos contributiva percibidas.

**Persoas beneficiarias:** Persoas que o Sistema galego de servizos sociais valore como persoas en situación ou risco de exclusión social.

**Requisitos xerais de acceso e exencións:**

| Requisitos xerais de acceso á RISGA  | Excepcións   |
|--|--|
| <p>a) Ter residencia efectiva e constatada polos servizos sociais comunitarios responsables de desenvolver as accións que se deseñen no proxecto de integración social e estar empadroadado ou empadroada en calquera dos concellos da Comunidade Autónoma galega, polo menos durante os seis meses anteriores á presentación da solicitude de valoración. Computaranse os períodos de empadramento sucesivo en distintos concellos galegos.</p> | <ol style="list-style-type: none"> <li>1. Persoas que, procedentes doutras comunidades autónomas do Estado español, sexan beneficiarias do sistema de rendas mínimas nesa comunidade, sempre que na lexislación da mesma se recolla a reciprocidade ou o convenio específico para o efecto.</li> <li>2. As vítimas de violencia doméstica ou de violencia de xénero que cambien o seu domicilio por motivos de seguridade.</li> <li>3. As persoas emigrantes galegas, nos termos sinalados no artigo 3 do Estatuto de autonomía de Galicia, cando fixasen a súa residencia no territorio da Comunidade Autónoma de Galicia. Ademais, aquelas persoas nadas en Galicia que, residindo noutras comunidades autónomas, volvan fixar a súa residencia en Galicia.</li> <li>4. Quen teña recoñecida a condición de persoa refuxiada polo organismo competente da Administración xeral do Estado, ou aquelas persoas cuxa</li> </ol> |



solicitud de asilo se admitise a trámite ou, non admitíndose, teñan os ou as solicitantes autorizada a súa permanencia en España por razóns humanitarias ou de interese social.

5. As persoas vítimas de trata de seres humanos ou de mulleres estranxeiras vítimas de violencia de xénero que contan cunha autorización de residencia ou cun traballo por circunstancias excepcionais nos termos que estableza a normativa de aplicación en materia de estranxeiría.

b) Ademais da residencia efectiva, os cidadáns e as cidadás de Estados non membros da Unión Europea precisarán acreditar a residencia legal en España no momento da presentación da solicitud.

- Supostos de persoas vítimas de trata de seres humanos ou de mulleres estranxeiras vítimas de violencia de xénero que contan cunha autorización de residencia ou traballo por circunstancias excepcionais nos termos que estableza a normativa de aplicación en materia de estranxeiría.
- Quen teña recoñecida a condición de persoa refuxiada pola Administración xeral do Estado, ou aquelas persoas cuxa solicitud de asilo se admitise a trámite ou, non admitíndose, teñan os ou as solicitantes autorizada a súa permanencia en España por razóns humanitarias ou de interese social.

c) Ter máis de 25 anos.

Persoas que teñan menores ao seu cargo e,

ademais, aquelas persoas maiores de 18 anos nas que concorra algunha das seguintes circunstancias:

1. Que antes de alcanzar a maioría de idade estivesen tuteladas pola Xunta de Galicia e internadas nun centro de menores ou en acollemento familiar.
2. Que, tendo recoñecido un grao de discapacidade igual ou superior ao 33 %, non teñan dereito a prestación ou axuda de igual ou análoga natureza.
3. Que estean en situación de orfandade absoluta e non teñan dereito a outras prestacións ou axudas de análoga natureza.
4. Que procedan dun centro de internamento de institucións penitenciarias.
5. Que leven tres anos vivindo nun domicilio independente e que cotizasen, polo menos, dous anos á Seguridade Social.
6. Que sexan persoas vítimas de trata de seres humanos.
7. Que se acredite que a persoa é vítima de violencia doméstica ou violencia de xénero.
8. Que os servizos sociais comunitarios acrediten a existencia da concorrencia de varios factores de exclusión social.

d) Dispor na unidade de convivencia de ingresos inferiores ao importe do tramo persoal e familiar

Servizos Sociais

que lle correspondería e, ademais, non dispor de bens patrimoniais dos cales se deduza a existencia de medios suficientes para a subsistencia.

e) Que non existan persoas legalmente obrigadas e con posibilidade real de lles prestar alimentos de acordo coa lexislación civil.


- Que se preveza que a obriga dos alimentos non se poida facer efectiva por malos tratos ou relacións familiares deterioradas ou inexistentes, do que exista constancia no expediente.

Considérase que non teñen a obriga de prestar alimentos as persoas con parentesco que, en atención ás circunstancias socioeconómicas concorrentes, non poden facer fronte ou atender as necesidades básicas da unidade familiar solicitante sen desatender as propias necesidades ou as de familiares ao seu cargo. As circunstancias constarán claramente no informe social correspondente.

## CONTÍAS 2015

| Subsidio Básico 75%<br>IPREM 399,38€                 | Membros<br>Ud.Económica | Contías Complem<br>Familiar | Contía totais S.B. + C.F. |
|--|-------------------------|-----------------------------|---------------------------|
|  | Solicitante             |                             | 399,38                    |
| Complemento familiar                                 |                         |                             |                           |
| 1º membro 74,55€<br>14% IPREM                        | 1                       | 74,55                       | 473,93                    |
| 2º membro 63,90€<br>12% IPREM                        | 2                       | 138,45                      | 537,83                    |
| 3º e sucesivos 53,25€<br>10% IPREM                   | 3                       | 191,70                      | 591,08                    |
|  | 4                       | 244,95                      | 644,33*                   |
|  | 5                       | 298,20                      | 697,58*                   |
|  | 6                       | 351,45                      | 718,88*                   |
| Complemento de<br>alugamento: 133,13                 | 7                       | 404,70                      |                           |
|  | 8                       | 457,95                      |                           |
|  | 9                       | 511,20                      |                           |
| Importe mínimo do tramo persoal e familiar : 133,13€ |                         |                             |                           |

\* A contía máxima do subsidio básico + complemento familiar é de 639,01€ ou de 718,88€ se hai menores.



Laíncmzero

Servizos Sociais



Concello de Lalín

### **Duración do dereito de percepción:**

O dereito á percepción será anual e prorrogable se subsisten as circunstancias que xustificaron a súa concesión.

A prórroga estará suxeita a unha revisión anual na que se verificará o cumprimento dos requisitos de acceso, a vixencia da valoración técnica de situación ou risco de exclusión e a idoneidade do recurso para o logro dos obxectivos da RISGA, así como á efectiva vinculación cos servizos sociais nos termos e cos compromisos establecidos no proxecto de integración social e, cando sexa o caso, no de integración socioeducativa dos e das menores.

**Prazo de presentación de solicitudes:** aberto todo o ano.

**Lugar de presentación de solicitudes:** Concellería de Benestar e Emigración (previa cita)

